



Universitätsbibliothek Paderborn

**R. P. Pauli Segneri E Societate Jesu Qvadraginta
Sermones**

Segneri, Paolo

Dilingae, 1693

Sermo VI. Die Martis post primam Dominicam. Quanta sit peccatoris,
quamque summa stultitia, sese contra Deum opponere.

[urn:nbn:de:hbz:466:1-52496](#)

advolutus supplex id peterem, frustra tamen operam & verba perderem, sedque ab ipsis me impetraturum minimè sperarem. Despero, inquam, despero; sed cur? an quia obstinati sunt, perfidi, & protervi? id quidem minimè, mi Deus! sed quia ego peccator sum. Quâ enim ratione hanc veritatem Auditoribus meis persuadere confidam, cùm ego eos inter, qui me auscultant, pessimus sim? Tu ergo, mi Deus! defectum meum benignè supplere, illúmque solum, quem supplex efflagito, favorem mihi concedere digneris: unicam nimirum animam ex tot ac tantis præsentibus mihi dona! Ita te per Sanguinem illum sacratissimum, quem in Crucis trunko profudisti, per lientes illas Vulnerum plagas, per tormenta & agonem mei amore exantlatum obtestor! Fortunatum me, & felicem! si tantum matutino hoc tempore mihi lucrum accederet; quas grates Tibi, quæ laudum encomia rependerem? quantum bonitatem tuam prædica-

rem? Saltem sperare id mihi licet! Sed quæ illa tandem erit anima? tua forsitan, ô fæmina, quæ tanto tempore inter libidines emarcuisti, nec isto è luto eluctari potes? An tu forsitan, Iracunde & furore satanico effervescentis, lusor projecte, adulter impudens, aut perfide sicarie? An tu, qui contra conscientiæ stimulos, & animi remorsus gravem peccatorum sarcinam, tanta annorum intercapidine nunquam integrè deposuisti? Animam volo Domine, & perditiissimam quidem: an eam mihi negas? an forsitan injuria tibi feci, dum unam solam peterem? multas ergo sperabo, & forsâ omnes, An non enim, dilecti Auditores, an non in Josaphati valle singuli congregabimur? ne permittere ergo, ut eo in loco à nobis mutuò dividamur, aut separemur; sed in id unum incumbite, ut ad dexteram locati, salvi omnes & securi, ad triumphum & gloriam destinati, nomine cum tanta sua ignomina excluso, compareamus.

SERMO SEXTUS.

DIE MARTIS POST PRIMAM DOMINICAM.

Cum intrâssest Jesus Hierosolymam, commota est universa civitas, dicens, quis est hic? Et ingressus Jesus in templum Dei, ejecit omnes vendentes, et clementes in templo. Matth. 21.

Nescio, equidem, unde evenerit, Auditores, ut deliri præteritarum ac infeliciū ætatum homines, viles plerumque & ignavos deos, potius quam nobiles ac generosos adoraverint. Pervagamini, si lubet, diversos cæcæ gentilicatis populos, & videbitis, eos immensam stupidorum Deorum turmam, saxa motu carentia, truncos & metalla omni ratione ac sensu destitura coluisse. Ægyptum præ aliis delirasse deprehendo, quæ vix colonum aut agricolam habuit, cui non Deus aliquis in horto suo nasceretur; ad generandos deos solo opus erat ligone; portum omne germinans novum erat Numen; omnis cepa, rupto telluris utero enata, nova Deitas fuit. O animalia fortunata! quod magis sordida & abjecta, eò magis felicia! thus enim & incensum non adolebant aquilis, aut leonibus, sed lacertulis & vermbus. Turpiusne aliquid reptilium & insectorum est scarabæo? hunc tamen antiquæ Sienis incolæ Deum habebant. Quid testudine ineptius? hanc Troglotytæ adorabant. Bove quid stupidius? hunc fumanti acerata Helipolitani colebant. Quid olientius capræ? hanc Mendani supplices coluerunt. Unde tanta stultitia, Auditores, cum tantam ceteroquin mortalibus sciamus inesse superbiam? an non pudendum, lunate genu vilissimorum creaturarum quisquilijs colere, easque tam deformes, tam abominandas? adolere thura abjectissimis animalculis, quæ pe-

dibus contrita calcantur? facile est, si mea me non fallit opinio, solutionem huic dubio invenire: impii illi Idolorum cultores, instinctu naturæ insuperabili agnoscabant, esse aliquod in orbe numen, quod rebus omnibus dominetur: malebant ergo se subjiceret DEO vili ac debili, quam nobili ac potenti. Scelerati oderunt divinam potentiam; sit DEUS, quisquis volet, stupidus licet ac sensu destitutus, modò sit impotens & imbellis ad vindictam, qualem sibi stultus Marcius finxit. Patrocinatur opinioni meæ Theoderetus, qui Philistæos muscam adorare affirmat, animal immunandum & sordidum, eam solùm ob causam, quod interme prorsus sit, & aculeo aliisque armis careat; sic enim impunè peccare se posse arbitrantur, possuntque Deum suum, si forte adversum vel iratum eum sentiunt, vel manu abigere, vel flabello fugare, aut oris anhelitu dissipare, atque ideo, quem viventem flabellis expellunt, q. 3. in ejus figuram Deum appellaverunt. Reg. Tam stolidè delitum hac ætate quempiam esse, non crediderim: non est, O peccatores, non est DEUS, qualem crediis; multò ls potentior est, quam velitis: timendus ergo, & reverendus est. Videte, hodiernâ die quid agat, ut admiratione attonita tota civitas percunctetur, *Quis est hic?* Ecce enim mihi summus ceteroquin Servator, vultu ad severitatem composito, dexteram flagello armat, circumstantem turbam graviter increpat, invehitur asperè, contortis funiculis cedit, terret omnes, ac reverentiam docet non tan-

tantum suæ personæ , sed etiam parietibus templi DEO dicati debitam , Quid facietis miseri , ut ictum declinetis ? quò abscondemini infelices ? in quod asylum configuratis ? ubinam tuti latebitis ? quin meum potius consilium amplectimini , ut scilicet ab hoc loco pedem prius non moveatis , quā Dei potentiam cum timore , & tremore agnoveritis , atq; unā summam peccatoris dementiam , qui eō temeritatis , quis credat ? pertingit , ut audiat se Joh. 15. 28. Deo opponere : contra omnipotentem , verba sunt Jobi , roboratus est : & insano fastu ac superbiam tetendit adversus eum eretto collo .

II. Et verò quis non expavescat hodiernâ die , dum intuetur Christum sacerdotem in turbas , euentem scama & sedilia , fugantem è templo pecudes & animalia , Ecclesiam confusione , civitatem horrore miscentem ? Illa potentia omni alteri merito præfertur , quæ debilioribus contenta est instrumentis , & paucioribus subsidiis opus habet . Ut rem exemplo declarem : si dixero , Samsonem unius lanceæ gyro integrum Philistæorum exercitum stitisse , ac retrò egisse , id certè velut magnæ potentiae argumentum accipietis ; majoris verò , si id solo armatus ense effectum dedisset ; maximæ , si clavâ : quid si dicam , illum temere arreptâ demortuæ asinæ mandibulâ id effecisse ? tum enim verò adeo obstupescitis , ut præ illa potentia ludicram existimetis illam , quam in summis etiam Principibus veneramur . Errat enim verò , quisquis eorum potentiam ex

eo metitur , quòd in campum egressi equitum peditumque multa millia cum lanceariis & catapultariis præmittant ; hoc enim non potentiae , sed debilitatis est signum : argumentum fortitudinis foret , si arreptâ Samsonis instar mandibulâ , inimicum exercitum in fugam agerent , strage & confusione hostilem campum repletrent ; tanio enim plus roboris ac potentiae censemur quis habere , quantum vilioribus armis accinctus , majora & illustriora facinora patrat . Tale genus potentiae hodiernâ die in DEI Filio relucet , atque ideo etiam judicavit Chrysostomus , DEUM tunc maximè Divinitatis suæ specimen dedisse , cùm superbiam Ægypti , non immisis belluis , aut evocatis è salutib[us] bestiis , sed insectis vilissimis ex fæce paludum fregit : grande spectaculum , inquit , Deus universo orbi præstirrit , cùm superbiam Ægyptiorum non de leonibus & ursis , sed de ranis domuit & muscis .

III. Quæ , cùm ita sint , Auditores , unde quæso , tanta volbis , tamquam proterva audacia , quâ DEUM irritare & offendere audeatis ? quis vobis suggerit animos , tantamque temeritatem , ut non contenti illatis , novas identidem , novasque injurias illi inferatis ? nil interest , num fatentes vos reos habeam ; facile enim ipse animadverto , illam peccandi audaciam ut plurimum à divitiarum copia , & bonorum abundantia oriatur . Nec id nimirum ; pecuniae enim obediunt omnia , ut Solomon testatur , 29. & vos ipsos quotidiana docet experientia .

rientia. Nullâ te indigeo, dicitis; à nūu meo pendent omnia; si litem forensem placet evincere, ad genium meum serviet Notarius; si effræni libet litare libidini, facile voluntati mearē morigerantem habebo; si arridet, vindictam de æmulo sumere, ad nutum præsto erit sicarius. Ita nimurum protervi & audaces Deum ipsum aggredimini, ipsique Cœlo insultatis, nummis confisi, quibus omnia oblectundant: *substantia divitîs, urbs fortitudinis ejus, in proverbiis legimus, & quasi murus validus circumdans eum.* Sed si omnia pecuniae obediunt; num illum quoque subiectum censetis, qui pecuniae Dominus est? edicite, quæso, si DEO murum hunc vestrum, quantumvis opinione vestrâ insuperabilem, demoliri ac dejecere lubet, an colubrinis, aut tormentorum currulum machinis opus habet? an non præcipuum bonorum vestrorum medullam camporum sulci contegunt, tempestati & auræ subiectam? an vobis ad incitas redigendis antiqua renovare prodiga necesse est, dum ætate præteritâ saxis Bononiae, nostrâ verò memoriâ Budæ plumbo pluit? sed, advertite, quantulo opus sit, ad vos omni spe exuendos! Satis erit, uti fecit Achabo, negare imbre & pluvias, aut fundos vestrors grandini, nebulæ, & insectis in prædam dare; una vermium phalanx, una bruchorum aut locustarum acies sufficit, ut Codro fatis pauperiores, O quot gloriosos ac superbos divites per hos levis armaturæ milites demissius sapere docuit! Nunquid ejectis

*Prov. 10.
ii. & 18.*

hoc medio Canaanis Israëlem in eorum terras induxit? an non hisce armis Persarum exercitum, sub rege Sapore ad Nisiben congregatum, profligavit? alium verò sub Carolo Rege, ad Gerundæ mænia explicatis signis fluctuantem, in turpem fugam conjecit? Diodorum percontemini, qualem in Media excitaverint famem minutissimi passeres; Sabellium interrogate, quomodo Thraciam ranæ parvula depopulatae sint; à Cromero discite, qualem ruinam Massoviae vilissimi grilli intulerint: è Plinio exquirite, quali strage Franciam abjectissimæ muscæ vastaverint; Sigonium sciscitamini, quâ victus & annona inopiat bruchi tenuissimi Italiam flagellaverint: & tum mihi dicite. quantum Deo necesse sit, ut vos inopes reddat, & miserandos. Sed fortassis reddituum vestrorum proventus annui non isthac basi subsistunt; nec siccitatem torsan, nec undarum eluviem, nec vermes, nec feras formidatis. Ubi ergo spes vestrar collocatis? an in cambiis? heu quantum fallacibus! an in censu? o quoties deficiente & caduco! in mensis numulariorum? o quam infidelibus! in mercatura? ah quantis periculis obnoxia! nunquid navis illa institoria, cui merces vestrar commisisti, propitiis à DEO ventis impelli debet? quantâ non curâ opus est, ne allidatur ad scopulum, ne hæreat in arena, ne in prædam pyratis cedat? Quomodo ergo DEUM irritare & offendere audetis Institores? & quidem eo ipso tempore, quo communissia Oceano for-



fortunarum vestrarum pars maxima fluctuat? sed esto, jam portum jactâ anchorâ puppis vestra teneat, necdum tamen timoris expertes vos esse oportet, cùm & in portu, ut Tertullianus ait, occulti non raro vortices lateant, & infida lèpe undarum malacia navim sub-

non DEus jure meritissimo sibi illud Prophetæ vendicat, meum est argen-^{Aggai 1.9.}
tum, meum est aurum? &c, cùm hoc probè sciatis, tam protervè tamen eum offendere præsumitis? Eia, si Principum nonnemo omnes divitias vestrarum, ut Josephus quondam Ægyptiorum, suæ potestati subjectas tene-
ret, illásque ad libicum vel dare posset, vel eripere, an palam & aperte vos ejusdem inimicos profiteri stolidissimè auderetis? cur ergo in DEum id audietis? O stupiditatem! O amen-
tiam! O cæcitatem! quia locupletes estis, DEUM offendendi audacia vo-
bis crescit: ego autem hanc ipsam ob-
causam majori ipsum reverentia &
honore dignum dico; si enim inopes
essetis, levius supplicium mereremini;
cùm autem divites sitis & copiosi,
graviori longè suppicio subiacetis, ut
scilicet ad mendicitatem & inopiam redigamini.

IV. Sed demus, DEUM plenam vobis proventuum vestrorum pos-
sessionem indulgere; nunquid illo-
rum usu ac fructu privare vos facile
potest? divitiae, ut philosophia do-
cet, propter se desiderabiles haud
sunt, sed propter ea solum, quæ ex
divitiis sequuntur, gloriam nimirum,
amicitiam, honores, parentelas, con-
vivia, lusus, voluptates; hæc tamen
omnia Divinæ potestati plenissimè
subsunt, & ab illa manu dependent,
in qua Divus olim Joannes vidit stel-^{Apoc. 1.16.}
las septem, Planetas nimirum, omnis
terrenæ felicitatis despensatores. Lon-
gum esset, sermocinari de singu-
lis; loquamur de uno solo, quod,

K

reli-

R. P. Segneri Quadragesimale,

SERMO SEXTUS.

74
reliqua omnia complectitur. Sanitas & valetudo bonorum omnium fundamentum & basis est: non est sensus super sensum salutis corporis: ait Ecclesiasticus; ad quid enim suburbana magnifica, horti, & palatia ad delicias usque exculta, si, lecto cum Rege Aſa detenti, eis frui non possumus, ac medicè vivere necesse est? fructus bonorum, qua mundus habet, non est eorum possesso sed usus; hinc
*Eccles. 10.
 19.*
codem Ecclesiastico iudice: melior est pauper sanus, & fortis viribus, quam dives imbecillis & flagellatus malitia. Pauper enim valens & sanus exiguo saltē, quod habet, fruitur & gaudet; dives autem infirmus inter opes, quibus abundat, velut Tantalus, torquetur: tametsi ergo fructus sapidissimi arborum vestrum ramos gravent, vinea floreat racemis dulcissimis, penuaria vestra cupediis abundant delicatissimis; si appetitus prostratus est, si palatum corruptum, si plus rocamanti, quam voluptatis hi cibi afferunt, cui bono hæc omnia? si acutis caput torqueatur doloribus, ad quid litteratura omnis & scientia? doctissimus erat Angelus Politianus, nihil tamen inde voluptatis aut commodi hausit, dum molestissimis, quæ cerebrum affligebant, puncturis confixus, caput parieti allisit: si vorax gangrena petus arrodit, quid prodest omnis vestra potentia? potentissimus erat Herodes; nec tamen tueri se potuit adversus vermium morsus, qui viscera ejus depascebantur, unde doloris impatiens ipse sibi cultro præcordia sci-

dit. Quid juvant mollissimis instrati plumis lectuli, grabatum pretiosis si pariis inumbratum, si misero Mecenati similes estis, qui trium annorum spatio, ne unius quidem noctis somnum lassatis ex tam diurna vigilia palpebris potuit conciliare? Et quid plura? unica febricula fortunatissimum mundi Principem potest miserum reddere & infelicem, ut Augustinus ait: *quamvis humana, inquit, gaudia non sint gaudia, tamen qualia sunt que sint, auferit omnia ista una febricula.* Edicite! an non languoribus hisce vestrum etiam corpus obnoxium est? Sed sumus, dicetis, juvenata floridi, valetudine prospera & firma? quid tum? Athleticum sit vestrum robur: nunquid tamen mulito molimine opus est, ut DEUS illud enervet & prostrernat? unico rheumate, una fluxione, uno calculo renes exulcerante de illo actum est. Unde ergo tam modicus DEI timor & reverentia, cum tamen vitæ mortisque sit Dominus? *sanitas in pennis Malachij, ejus; leni solū agitatione, uni illam &c. eripit, & alteri confert, rursusque huic ablacam in aliam transfert. DEUM immortalem! video terrenos judices subditis suis formidabiles se readere, positis ob oculos equuleis, virgis, cippis, vinculis, funibus, & ceteris tormentorum instrumentis; Deus autem immenso tristisque morborum apparatu circumdatus, sui timorem à vobis extorquere non possit? quamvis identidem amicorum nostrorum corpora, intensissimo doloris sensu ac cruciatu, dentium, stomachi,*

mâchi, renum, podagræ, ulcerum, & calculorum exerceri videamus. Certè judicûm nullus in reos tam exquisitis suppliciis animadvertisit; præfixum saltem à lege terminum habent eorum tormenta, & paucarum horarum spatio absolvuntur; quæ autem Deus infligere potis est, nullis annorum limitibus circumscribuntur, suaque diuturnitate nonnunquam adeo intoleranda evadunt, ut plurimi mortem sibi violentam inferre, quam cruciatum vitæ tam diuturnum ferre maluerint: scimus, id Titum Aristonem & Silium Italicum fecisse, quos Plinius Junior, quamvis immerit, summis propterea encomiis afficit. Speusippus Philosophus, paralysis doloribus impar, seipsum interemit; idem exemplum secutus est Orator Portius, ut lentes quartanæ molestias evaderet; idem fecit Clæonæus Timanthes, qui morte voluntaria diuturnos languores redemit; Sesostris Rex oculorum suorum orbitatem indignatus, omnem sibi lumen illatâ morte sponte extinxit: nostrâ etiam ætate Antonius Quernus, Poëta non inamœnus, interno viscerum dolore excruciatus fortificis iuctu sibimetipſi ventrem secuit. Si ergo Deo tantâ morborum varietate, illatas sibi injurias vindicare, tam facile est, an non insignis stupiditatis est, tam perfiditâ in eum petulantia bacchari? Credo ego, multos sibi imaginari, se esse temperamenti tam fani, atque ex massa adeo robustâ concretos, ut vulgaribus mortis telis sint impenerabiles, ac periculi securi, nisi DEUS pestem immittat, qualis Phi-

lippi Francorum Regis tempore Germaniam depopulata est, eâ venenî atrocitate, ut aves contagionis horrore è nidis, feræ è spelæis, è foraminibus terræ serpentes profugerint, & homines intra viginti quatuor horarum spatium unâ cum fætenti sudore, per apertos corporis poros fluente, animam exhalaverint: verum non est opus tanto molimine, Auditores, non est opus! nunquid enim celeberrimo illo Babyloniae Colosso fortiores estis? & illi tamen diruendo lapillus parvulus sufficit. Optarem ego hodie, ut cujusvis nostrum corpus pellucidum, & crystalli instar diaphanum foret, ad distinguenda minutum innumera ossa, musculos, nervos, venas, fibras, arterias, & cartilaginiæ, è quibus humani corporis fabrica consurgit; quis vestrum non exhorresceret, si videaret, quam facile DEO sit, structuræ, è tot minutis partibus coagimenta, ordinem & symmetriam turbare? Ridebitis fortassis, memores fatui illius, qui corpus sibi vitreum esse credidit, pluribus propterea annis mollibus in plumis eodem corporis situ cubare, & procul ad se accedentes rogare solitus, ne propiori accessu in se impingerent, & vitream membrorum suorum compagem frangerent: ego vero potiori jure queror, verè nos vitro esse fragiliores, & tamen robur æri campano simile aur firmitius inaniter jactare. Sapienter advertit Augustinus, vitrum naturâ quidem fragilissimum esse, si tamen probè custodiatur, longam ferre ætam: tantâ fragilitate custodita du-

Homo. 13.
TANKE inter. 500

rant per secula; cùm tamen homini, quâcunque cautelâ adhibitâ, per-
eundem sit. Horrorem incutit, quod de illo Legum & Jurisprudentiæ ora-
culo Baldò narratur, qui, cùm catello,
quem ut delicias suas in sinu fovebat, blanditus osculum daret, morsu ab
codem exceptus est, & tantillo è vul-
nere in furias actus subito concedit, &
expiravit. O temerariam sanè homi-
nūm superbiam! qui irritare DEUM
audent, cui usque adeo facile accidit,

Job.15.13,

eos in momenta delere. Quid tu-
met contra Deum Spiritus tuus? liceat cum Jobo dicere: nunquid uni-
ca pīsciculi spina Tarquinio Romano-
rum regi vitam eripuit? pilus unicus
cum laete haustus Fabio? racemi aci-
nus Anacreonti? musca potui mixta
Adriano quarto supremo Ecclesiæ
Præsuli? unica acicula punctura Lu-
ciae Marci Marcelli filiæ Principi? Tu
autem, insensate! Eum, cui tanta po-
testas est, nec honore, nec timore, nec
reverentia prosequeris? & DEUM,
verba sunt Danielis prophetæ pun-
gentissima, & DEum, qui habet fla-
tum tuum in manu sua, non glori-
ficasti! Memini me legere, Barba-
rūm quendam Munutamam nomi-
ne, Vasco Nugnesio, inclīo illi In-
diarum domitori, falso delatum esse,
velut læsæ majestatis reum; tentavit
miser nec quicquam ad se purgan-
dum, quidquid mortis timor dicta-
verat; tandem, quasi peroratus, ad
Ducis pedes se abjecit, manuque ejus
gladii capulo reverenter impositâ, di-
xit: tu h̄ credere aut suspicari possis,

*Dan.19.**24.*

tantum me scelus in te tentâsse, aut co-
gitâsse, cùm tamen te videam tam cru-
deli acinace accinctum, qui iētu unico
hominem dividat medium? Sic natura
ratiocinari barbarum docuit; nec enim
credibile videbatur, hominem, qui
more gentis nudo corpore, & non nisi
ligneo ense armatus incessit, ausurum
laceſſere illum, qui ferrum & calybeum
rotaret. Ah Christiani! quid respon-
detis? Vobisne Deum irritandi ani-
mus sit, quibus apprimè perspectum
est, quantum vos inter vilissimos ter-
ræ lumbricos, & Deum, qui absolutis-
simus Dominus est, discriminis intersit?
non ille tantum gladium ad latus pen-
dentem gerit, sed quidquid fulminum
nubes abscondit, quidquid antra &
spelæa ferarum nutriunt, quidquid toxici
lateat in herbis, quidquid est gur-
gitum in profundo maris, quidquid
flammarum in Vesuvio ac Æthna ex-
ardescit, tot arma gerit fastui vestro
retundendo; & hunc non formidatis?
an armis hisce elidendis clypeum for-
tè & parvam obtendetis? si uni fe-
briculæ, uni fluxioni, gangrenæ, aut
stillæ apoplectiæ imperat, actum est
de vobis; quid ergo fieri, si manum
fulmini, tonitruis, turbinibus, & ter-
ræ concutiendæ admovebit? an ina-
nem vilissimi homuncionis fastum in-
fringere non poterit, qui nutu unico
vastos montes in pulverem disjicere,
maria siccare, solis splendorem ex-
tinguere, totamque tellurem in ni-
hilum redigere potest? Verissime
dixit Jobus, vidi eos, qui operantur
iniquitatem, flante DEO periisse: Job.4.8

adver-

adverte; non ait: *fulgurante, nec fulminante, sed flante;* si enim DEO placitum, fuerit, uno nos oris halitu difflabit: *spiritu laborum suorum interficiet impium.*

Isaia 21,4. V. Nec ille absolutissimus duntaxat
vitæ Dominus est, eamque unico oris
sui halitu, *spiritu laborum suorum,*
difflare potest; sed etiam id executioni
dare potest modo ac tempore peni-
tus insperato, cùmque id minimè
suspiciamur. Rechè observat Tertullianus,
Deum, dum homini mortem intentat, semper quidem se formidabilem reddere, tunc autem præcipue, cùm mors nos occupat, quando vita
maximè esset in votis: *multò enim violentior mors est,* inquit, *qua tunc mori affert. cùm jucundius est vivere, in exultatione, in honore, in re-*
guse, in voluptate. Ut quid ergo, ju-
anima c.
42. nes lascivi & indomiti, alienæ casti-
moniæ insidiando DEUM tam gra-
viter lacescitis? cur vos avari & euclio-
nes, accumulandis per fas & nefas
nummis intenii? cur vos ambitiosi, ho-
noris fumos captando? cur vos, pa-
rentes improvidi, stabiendi parentelis ac familiis? cùm tamen ille telam
intentionum vestrarum, quam tanto
studio texitis, unico iuctu intercidere
possit, cum totius tam laboriosæ tex-
turæ jacturâ. Quis satis explicet, quan-
tum laboris quondam insumpserit Bi-
bulus, Senator Romanus, ut ad triun-
phum pertingeret, quantos extero-
rum, bello lacescitos, de vitæ statio-
ne dejecerit, quot non telis veneno
illitis sustulerit, quantos acutis confo-
dent mucronibus: sed ecce, dum spei

sux apicem attigisse se credit, mo-
dum Deus invenit, ejus consilia ever-
tendi: nec multis opus erat impensis;
mortem ad Capitolii limina constituit,
non romphæ accinctam, aut telis in-
structam, non balistis & catapultis for-
midandam, sed unâ tecti tegulâ vel
imbrice armatam: tecti tegula? enim
verò, tecti tegulâ, quæ Bibuli, Capi-
tolii limen gloriose subeuntis, allisa
capiti in curru triumphali sedentem
occidit, atque una laurum in cupres-
sum, tripudia in luctum, plausus &
acclamations in lessum & näniam
convertit. Unde ergo, ô peccatores!
tantæ potentiat tam modicus in vobis
timor est, ut eam non solùm liberimè
irritare, sed eidem etiam superbè in-
sultare, audeatis? illorum vastigiis in-
sistentes, de quibus Jóbus ait: *Au-*
dacter provocant Deum! Ego, ut
veritatem vobis ingenuè profitear,
causam tantæ securitatis studiosè in-
quisivi, sed pace vestrâ invenire ha-
ctenus, etiam post longam indaginem
haud potuit. Videor tamen, ex impio-
rum numero aliquem respondentem
audire: frustra te fatigas; nos ipsi hujus
rei causam tibi aperiemus: & nobis
initio formidabilis visa est DEI poten-
tia, quam usque adeo hactenus exag-
erâsti, neque irritandi eam nobis a-
nimus fuit; sed experientia nos fecit
audaces; patrato enim primo flagitio,
nihil infortunii experti sumus; lubi-
de animosiores facti sclera sceleri-
bus cumulavimus, à stupris inince-
stus, ab odio in vindictas, à linguae li-
centiâ in blasphemias nos præcipitavi-
mus: & tamen etiamnum vivimus,

opibus abundamus, longam libero-
rum seriem numeramus, copiosos a-
micos clientes habemus, ipsimet æ-
muli & inimici nos reverentur: cur er-
go timeamus illam potentiam, quæ,
quantumvis forte alii, nobis tamen
minimè timenda videtur? Quid? vo-
bis minimè timenda? O DEUS hunc
tui contemptum dissimulas? hanc ar-
rogantiam audis, & sustines? heu fru-
ctum longanimitatis tuæ! Indulſisti,
Domine, indulſisti; sed quo æmolu-
mento? nunquid glorificatus es? Imò
contraria omnia! &, ut Isaiae verbis
¶a, 16, 25. utar, Elongasti omnes terminos ter-
ræ. Ubi ergo morantur fulmina, qui-
bus innoxia turrium cacumina, &
templorum tholos nequidquam feris?
in impios potius ea dirige ac torque:
quorsum enim jubes, sacros oratores
tui potentiam brachii populis annun-
tiare, si eam non manifestas, nōque
pudore confusos, ac velut mendaces
Auditorum ludibrio prostituis? Con-
dolere jam possum prophetis tuis, Jo-
næ & Jeremiæ, quod tuis imperiis re-
fractarios se ostenderent, ne scilicet
populorum fabula, & gentium ludi-
brium fierent. Credebam equidem, me
hodiernâ die salutarem Nominis
tui timorem & reverentiam Auditorum
animis ingenerasse; sed video iis
creuisse audaciam, tuæque bonitatis
noxiæ eos fiduciam concepisse; ego
autem, qui totâ die cum Propheta va-
Jer, 20, 8. stit atem clamito, vastitatem, stabo
delusus, & Auditorum sibilis explo-
dar. Sed, ô me fatuum! qui DEO de-
lirus obloquor, cuius providentiâ &
sapientissimâ dispositione omnia gu-

bernantur! Eja peccatores! ultrò vo-
bis permitto, quod objicitis! nullas
haec tenus DEO pœnas dedistis; feli-
ces vivitis & fortunati: quid ergò? an
minus propterea vobis timendus
DEUS? O sequelam falsissimam!
nego illam, & pernego: quin ex hoc
ipso infero, vos Ei plus timoris & re-
verentiae debere. Audite, quid di-
cam; & ego noxium vobis errorem
eximam, vósque evidenti ratione con-
vincam. Quod DEUS haec tenus in
vos pro meritis non animadverterit,
duabus de causis accidisse credendum
est, quod scilicet aut condonaverit;
vobis pœnam, aut quod distulerit; al-
terutrum enim ex his duobus affirma-
re necesse est. Fingamus condonâsse:
tanto ergo magis timendus est Deus;
quantiè enim facilior haec tenus in
concedenda venia fuit, tanto inclemen-
tius eam deinceps negabit, nam pa-
tientia irritata in furem converti-
solet. Misericors est DEUS, sed una
est justus: *Dulcis & rectus Dominus: Ps. 24,*
cùm ergò Clementia suo haec tenus of-
ficio functa sit, suas etiam Justitia par-
tes implebit: *quale enim est, ut DEUS Comita
præcepta constituat, non executus Maron-*
rurus; ut prohibeat, non vindicaturus;
clamat Tertullianus. Quis Principum
est, qui nunquam puniat, & semper
condonet? certè moderatus rigor cu-
stos est legum, obsequii exactor, inno-
centia tutor, & basis regnum: &
quemadmodum largiri interdum ve-
niā, est clementiae & pietatis argu-
mentum, ita nunquam punire, ignavi
animi signum est: quanto ergò plura
tibi Deus indulxit, tanto magis eum ti-
me.

me. Quòd si Deus non condonavit, sed solum distulit debitas peccatis tuis pœnas, ut eas vel in futura, vel in præsenti adhuc vita, citius aut seriùs exsolvas, hæc mora vindictæ neutiquam temeritatis, sed timoris materiam tibi præbet; timendum enim meritò est, ne fræna furori suo laxet, omnémque suam indignationem uno velut impe-
tu, torrentis instar in te effundat. Heu quām terribilis erit Divinæ Justi-
tiae furor, toto tunc pondere capiti
tuo incumbens? *quasi flagellum in- undans.* Cavete igitur, cavete! ne lenta divinæ dexteræ mora temerarios vos reddat & audaces, sed humiles potius, pavidos & caudos. Si secus feceritis, rupto tandem aggere exundabit Divina Nemesis, ut Ecclesiasticus loquitur: *Quomodo Catæclismus aridem inebriavit, sic ira Domini gentes, que non exquisiverunt illum, baredabit.* Et quando tandem furoris impetum usque adeo horrendum in vos exonerandum existimatis? Dicam, sed quiescamus tantisper, nec longiori sermone vobis tedium pari-
am. Vos interim alteri sermonis parti vacuas aures servate, quæ, ut spero, non in amœna, nec ingrata vobis erit.

PARS ALTERA.

VI *Quodnam sumenda de impio vindictæ, tempus DEUS determinaverit, nemo sane certa conjecturâ assequetur; quod tardiori, eò graviori manu ferit; Hoc à secreto Dei judicio dependet, cuius notitiam sibi soli reservavit: Quæ Pater posuit in sua potestate.* Hac de causa veteres

dicere solebant: *Dii laneos pedes ha- paramio- bent.* Tam inobservati enim immi-graph, 609.
gent, ut eorum adventum nullâ diligentiâ prævertere possis. Si tamen, ut agnovit Hieronymus, de præteritis futura noscuntur; horam si non certam, saltem à certa non multum distantem statui posse existimo. Perspectum vobis esse arbitror modum illum mirabilem, quo Civitas Hierichuntina à Josue fuit expugnata: Ex Ducis imperio Arca fæderis civitatis mænia septem diebus matutino tem-
pore obibat, præcedentibus in fronte armatorum agminibus, populo inter-
mi inter festivos turbarum ac lytorum, quos sacerdotes inflabant, clangores ponè subsequentे, usque dum dies septima illuxit, quā, eodem tubarum sonitu perstrepente, tandem muri conciderunt, & urbs capta est. Hunc successum, cunctis notissimum, finite, quæso, more meo contempler, & expendam. Cum primâ die obsessi Hierichuntis incolæ instructam hanc aciem ordine suo procedentem è muris spectarent, cum tubarum clangorem auribus acciperent, quo terrore consternatos fuisse miseris existimatis? an non dispertienda jamjam in turmas agmina ad assultum expe-
dita, nōque in munimentis compari-
tura putaverint? cum verò tantum apparatum nullo successu evanuisse intuebantur, an non ex metu respirasse, & animos resumpisse creditis? cum secundâ die eandem pompam institui cernerent; obsessorum timor in admirationem versus est, néque capere poterant, quo fine tam insolitos va-
noscue

nósque strepitus hostis concitaret, Die tertiâ admiratio in risum & cachinnos abiit, cùm frequenti jam experientiâ nōssent, cassa brutâque esse fulmina, quæ hostis minaretur. Quartâ, quintâ & sextâ die, cùm animi crescerent obsecisis, vos mihi risus, ludibria, sannas, sibilos & clamores cogitate, qui è murorum ambitu audiebantur! Dixerint enim verò: festivus sanè est hic tubarum concentus; novum hoc scilicet stratagema, non machinarum vi, sed inani sono munitissimas velle urbes expugnare! Eja! clangite alacriter; nos ad musicam vestram choros ducemus. Num forte strepitu nos terrendos esse arbitramini, quos arma non terrent? erratis insani; nolite nos stupidas volucres credere, quæ fragore & strepitu consternatae decidunt, Eja! si animus vobis est, ponite tubas, manum capulo admovete, & tum milites vos esse credemus. Hunc in modum è muris & propugnaculis obsecisos obsidentibus insultasse verisimile est; & si unquam vel formido minor, vel risus effusior erat, id die septimâ crediderim accidisse, postquam tot jam securitatis argumenta præcesserant. Sed ecce! illo ipso temporis articulo universalis murorum ruina incubuit: Septimo circuitu clangentibus tubis muri illicò corruerunt. Vos ipsi nunc judicate, num tristis magis, magisque inexspectata hæc strages accidere potuerit. Adhuc infelibus risus natabat in labris, cùm repente labi mœnia, præcipitari turre, propugnacula inclinari, omnia ruinis involui, audiri morientium

Jofue 6.36.

gemitus, crepare iictus, hiare vulnera, discripi omnia, confuso clamore & ululatu miscere cuncta viderunt. Interea hostilia Israëlis agmina, aperto per murorum ruinas libero accessu, per obsecorum cadavera, priùs sepulta quām mortua, in Urbem penetrant, intorquent lanceas, stringunt acinaces, occupant vias, irruunt in domos, civiūmque reliquias, nullo veniæ loco concessio, trucidant ac mactant, urbe tota ad extremam usque interiorem delecta.

VII. Ad propositum modò redamus. Auditores: paulò antè ex me scire desiderâstis, & quando tandem impii ruinâ supremâ occupandi sine respondeo cum Propheta Isaia: quando minime cogitabunt: *Subitò, dum non spē- Ia.30.14 ratur, veniet contritio eorum: con-venit enim, tunc præcipue Deum injurias suas ulcisci, quando sùi securi, aut minas explodunt, aut Divinæ potentię illudunt, in vitiorum veterno, velut profundo somno consopiti. Enīgitur, Zelosi sacerdotes Divini Verbi tubam inflant, obstinatum humani cordis propugnaculum obsident, clamant, insonant, minantur, exterminium annuntiant: Clama, ne cesses, quia si tuba ex- Ia.33.1 alta vocem tuam, & annuntia populo meo scelera eorum, & domini Jacob peccata eorum. Impii cùm primò perorantem audiunt, terrore conster-nati arma sacræ orationis arripiunt, Divinorum Sacramentorum clypeo se obtegunt, ut ruinam imminentem ef-fugiant; cùm autem innoxie evasisse se-vident, & easdem è cathedris minas ingeminari audiunt, timore in admira-*

DIE MARTIS POST PRIMAM DOMINICAM. gi

rationem verso: ecquid tandem, mus-
sitant intra semetiplos, clamores hi-
Stentorei ac inanes, in dies nobis in-
gesti? cum tertio eandem sibi cantilenam
occini intelligunt, admiratio
mutatur in risum, risus in contemptu,
contemptus in temeritatem, temeritas
in aperta ludibria & sibila, passimque
in conventiculis, & domibus oratores
Ezech. 33. sacros cum cachinno explodunt: Au-
diunt sermones Domini, Ezechiele
telte, & in canticum oris sui vertunt
illos, quin in indiscretum eorum Ze-
lum aculeatis criminationibus invecti;
audistis, inquiunt, quam bene buccinato-
riste iste hodie tubam inflaverit? &
quod tandem collimant hi Stentores?
an ut clamoribus, & corporis gesticula-
tionibus nos terreat? credat illis,
qui volet; ego video fabulosas eorum
minas, videoque antiquam illos cramben
recoquere, eosdem modulos re-
petere, omniaque clamoribus ad tae-
dium & nauseam usque ingeminatis
absolvi. Ubi sunt calamitates, & ma-
lorum Isaías, quam minantur? *Ubi est*
Verbum Domini, veniat! ubi morbi,
ubi egestas? nos pinguiori Minervâ, &
meliori virium robore valemus,
quam ut fidem illis tam facile abstrua-
mus. Eja miseri & infelices! bene
est; exspectate tantisper, exspectate, &
experiemini, hanc ipsam esse horam,
quaë vobis erit suprema. Cum incre-
dulitas vestra pertinaciæ apicem atti-
gerit, tunc sero nimium cognoscetis,
quid ille tubarum sonitus sibi voluer-
it; dum risus vobis adhuc in labiis na-
tabit, Dei in vos ira incumbet, tunc
que ineluctabili ruinâ oppressi, ne-

quidquam clamabitis; heu nos perdi-
tos! ecce sanguinem, stragem, exci-
dium, desolationem, incendia, pe-
stem, mortem! & hos inter ululatus
attoniti vitæ finem facietis, damnari
propè citius, quam extincti. An si-
dem dictis negatis? Ocyüs sacrum
Codicem arripite, & Divina oracula
auscultate: Balthasar Chaldaeorum
Dan. 4. 8.
seq. rex, dicite, quandonam fatalis in pa-
riete manus indicio mortis nuntium
acepit? nonne tunc, cum illum mi-
nimè exspectaret? assidebat enim
mensæ opiparæ, concubinarum co-
ronâ cinctus, vinumque ex iis ipsis
vasis libabat, quæ quondam è Tem-
plo Dei sacrilego furto abstulit. Na-
buchodonosor Babylonis Monarcha,
quandonam vocem cælitùs allapsam
sibiique tam funestam audivit, quâ ad
bestias & silvas damnatus est? nun-
quid cum minimè sibi timeret, & in-
ter assessorum turbas, Regni sui
magnificentiam superbè jactaret? An-
2. Mach.
tiochus Syriae Rex, quandonam mor-
bo illo execrabilis divinitus percussus,
& in desperationem actus est? nun-
quid cum suî securus fastuque tu-
mens, consenso curru Hierolymæ
immineret, sanctæque illi Urbi excidi-
um minaretur, Sennacherib Assyrio.
4. Reg. 19.
rum Dominus, quando Angelica ma-
nu percussus, ac cum toto suo exercitu
delectus est? nunquid cum stolidâ ar-
rogantiâ inflatus divinæ potentiae in-
saltaret, quasi verò Hierosolymam è
manu sua, tot assuetâ triumphis, eri-
pere non posset? Jezabel Israëlis Regi-
4. Reg. 9.
30. na, quandonam intentatas sibi à DEO
minas, quod à canibus devoranda es-
set,

R. P. Segneri Quadragesimale.

L

set , adimpleri experta est ? nunquid cùm excluso, aut suppresso omni Dei timore, ad palatii sui fenestras superba consideret , & iniquam Principatus possessionem novi conjugii foedere stabilire cogitaret. Atque ita, si totum illorum catalogum evolueritis, in quorum capita irritati Numinis furor gravius incubuit , id tunc accidisse inventis, cùm aut improvidi id minimè timerent, aut temerarii & arrogantes Deo illuderent. Nunquid & nobis æquè tristis interitus exspectandus est, si pari insolentiâ DEUM provocare audemus ? minatur Apostolus : *cum dixerint, pax & securitas, pax nimur de præsenti, & securitas in futurum, tunc repentinus eis superveniet interitus.*

VIII. Credamus ergo firmissimè , Deum nostrum non esse DEum stu-

pidum, & imbellem, qualem antiquitas sibi finxit, & ideo potentissimam ejus manum summè esse formidandam, dum videmus, Eum solis armatum funiculis, id est, vilissimo armorum genere, funestam de nobis vindictam sumere posse. Id si huc usque distulit, non decrescere, sed augeri debet ejus timor & reverentia ; aut enim condonavit supplicium , & tunc Divina bonitas obsequiis est demulcenda, non irritanda novis flagitiis , ne graviore deinceps manu in nos sœviat; si verò differt vindictam , ubiorem longè trepidandi materiam habemus; periculosæ enim sunt istæ induciæ, solitque plerumque accidere, ut continuata prosperitas, & imaginaria impunitas , oblivionem poenæ pariat , & peccati contemptum,

Thessal.
16. 4.

SERMO SEPTIMUS.

DIE MERCURII POST PRIMAM DOMINICAM.

Cum spiritus immundi exierit ab homine, ambulat per loca arida, querens requiem, & non invenit.

Matth. I 2.

I. **A**quondam fuere tempora, Auditores, ubi magnæ fortitudinis argumentum erat, si mortales feris silvestribus, quas vel saltuum latebræ abscondunt, vel pratorum viridaria nutriunt, inno-

xiè dominarentur, summumque industriae credebatur, ursorum ungues, aprinorum dentium falculas, viperarum morsus, scorpionum puncturas evasisse. Præsens, quanta vivimus ætas, hanc antiquorum simplicitatem & mentis inopiam rideret; nos enim audaciæ limites amplius exten-

